



# "مپمبوت کداتغن عید الفطر دغن قنوه کشکورن"

الْحَمْدُ لِلَّهِ الْقَائِلِ: شَهْرُ رَمَضَانَ الَّذِي أُنزِلَ فِيهِ  
الْقُرْآنُ هُدًى لِّلنَّاسِ وَبَيِّنَاتٍ مِّنَ الْهُدَىٰ  
وَالْفُرْقَانِ ۚ فَمَن شَهِدَ مِنْكُمُ الشَّهْرَ فَلْيَصُمْهُ ۖ وَمَن  
كَانَ مَرِيضًا أَوْ عَلَىٰ سَفَرٍ فَعِدَّةٌ مِّنْ أَيَّامٍ أُخَرَ يُرِيدُ  
اللَّهُ بِكُمُ الْيُسْرَ وَلَا يُرِيدُ بِكُمُ الْعُسْرَ وَلِتُكْمِلُوا  
الْعِدَّةَ وَلِتُكَبِّرُوا اللَّهَ عَلَىٰ مَا هَدَيْكُم وَلَعَلَّكُمْ  
تَشْكُرُونَ .

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ  
وَأَشْهَدُ أَنَّ مُحَمَّدًا عَبْدُهُ وَرَسُولُهُ . اللَّهُمَّ صَلِّ  
وَسَلِّمْ وَبَارِكْ عَلَىٰ سَيِّدِنَا مُحَمَّدٍ وَعَلَىٰ آلِهِ



وَأَصْحَابِهِ أَجْمَعِينَ. أَمَّا بَعْدُ، فَيَا أَيُّهَا الْمُسْلِمُونَ!  
اتَّقُوا اللَّهَ، أُوصِيكُمْ وَإِيَّايَ بِتَقْوَى اللَّهِ فَقَدْ فَازَ  
الْمُتَّقُونَ. قَالَ اللَّهُ تَعَالَى: يَا أَيُّهَا الَّذِينَ ءَامَنُوا اتَّقُوا  
اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ.

سيد غ جمعة يڄ درحمي الله،

قد هاري يڄ موليا اين، ماريله ڪيت  
سام ۲ منيڄڪن ڪتقوان ڪڏ الله سبحانه  
وتعالى دغن ملاڪوڪن سڪالا سوروهنش  
دان منجاءوهي سڪالا ٽڪهنش. دان جاغنه  
ڪيت ماتي ملائڪن سباڪاي اورغ يڄ بنر ۲  
إسلام.

قد هاري يڄ موليا اين ماريله سام ۲ ڪيت  
مڄياتي خطبة يڄ برتاجوق: "مپمبوت  
ڪداتغن عيدالفطر دغن قنوه ڪشڪورن".



سیدغ جمعة یغ درحمتي الله و

برشکور کیت کحضرة الله سبحانه  
وتعالی کران کیت ماسیه لاکي دبري  
کسمقتن منجالني عبادة قواسا دبولن رمضان  
قد تاهون اين. سام اد کیت سدر اتاو  
تیدق, کیت سوده براد دفاسا تراخیر  
رمضان دمان عبادة قد ساله ساتو مالم  
ترسبوت لبیه بائيق دري سريبو بولن. ایتوله  
مالم ليلة القدر یغ کیت ننتیکن. برونتوغله  
باکي مریک یغ متهیدو فکن مالم ۲ ترسبوت  
دغن صلاة, برذیکیر, تدارس القراءان,  
بر دعاء کحضرة إلهي دان سکالا بنتوق  
اکتیویتي عبادة.

فرمان الله سبحانه وتعالی دالم سورة

القدر اية 3:

لَيْلَةُ الْقَدْرِ خَيْرٌ مِّنْ أَلْفِ شَهْرٍ ﴿٣﴾



"مالم ليله القدر ايت لبيه باءيق درقد  
سريو بولن".

مغيمباو كمبالي اکتیویتی نبی p  
دسقولوه تراخیر رمضان, بکیندا مغمبیل  
قلواغ دغن مغکنداکن عبادة. دروايتکن  
اولیه البخاری دان مسلم, دمان أم المؤمنین  
عائشة رضي الله عنها مغیصهکن تنتغ اخلاق  
نبی p قد سقولوه تراخیر رمضان. نبی  
p منیغکتکن عملن عبادة, بکیندا  
براعتکاف, مغهیدوفاکن مالم-مالش, دان  
مغجوتکن ایستری-ایستریش اونتوق سام ۲  
برعبادة.

سیدغ جمعة یغ درحمتي الله ,

إن شاء الله دغن ایذین الله سبحانه  
وتعالی, لیه کورغ انم هاری لاکي سلوروه



اومت إسلام اکن مپمبوت کحاضیرن 1  
شوال یغ باکل منجلما. کیت اکن مپمبوت  
عیدالفطر یغ مولیا دغن اوچقن تکبیر دان  
تحمید. کیت اکن مپمبوتن دغن قنوه  
کچریاءن, کشکورن دان کأنصافن, مننداکن  
کمنغن دان ککمبیراءن کیت ستله داقت  
ملقساناکن کواجیقن برقواسا سقنجغ  
رمضان المبارک. کیت بردعاء کقد الله  
سبحانه وتعالی اونتوق دبریکن نعمة قنجغ  
اوسیا اکر داقت مپمبوت عیدالفطر برسام  
سائق- ساودارا, صحابة-هندای دان اومت  
إسلام سلوروه دنیا. کیت جوک بردعاء  
کقد الله سبحانه وتعالی اکر عبادة قواسا  
دسمقیغ عبادة ۲ لاءین یغ تله کیت لاکوکن  
سقنجغ رمضان دتریمما الله سبحانه وتعالی  
دان دکورنیاکن کنجرن قهالا یغ بسر  
دسیسین.



هاري راي اتاو (العید) دالم بهاس عرب  
براصل دري كلمة (العود) یغ بر مقصود  
كمبالي. دناماكن هاري راي دغن نام  
دمكين کران اي كمبالي, ياءيت براولغ-  
اولغ قد ستیاف تاهون, اتاو کران  
ککمبيرائن اکن داتغ كمبالي دغن مونچولش  
هاري راي قد ستیاف تاهون.

قنشریعتن مرایاکن کمنغن این برداسرکن  
فرمان الله سبحانه وتعالی دالم سورة البقرة  
ایة 185:

...وَلِتُكْمِلُوا الْعِدَّةَ وَلِتُكَبِّرُوا اللَّهَ عَلَىٰ مَا  
هَدَانَكُمْ وَلَعَلَّكُمْ تَشْكُرُونَ.

"...دان جوک سوقایا کامو منچو کوقکن  
بیلغن قواسا (سبولن رمضان), سرتا کامو  
مبسرکن الله کران منداقت فتونجوقش دان  
سوقایا کامو برشکور".



ایة این بر مقصود ستله کامو منکقکن  
 قرینته الله دغن منونایکن سکالا کطاعتن  
 دان کواجیقن, منیغکلکن یغ حرام, منجاک  
 بتاسن ۲ اکام دان مپمقورناکن قواسا دمان  
 باکی یغ ساکیت دان عذور واجب  
 مغلقتضاء کنش. سلقس ایت هندقن کامو  
 مغانوعکن الله ستله مپلسایکن عبادة قواسا,  
 سموک کامو ترماسوق دالم کولوغن اورغ ۲  
 یغ برشکور. ابن کثیر منجلسکن بهاوا  
 سبهاکین علماء منجادیکن ایة این سباکای  
 دلیل دشریعتکن تکبیر دان تحمید سبلوم  
 صلاة سنة عیدالفطر.

سیدغ جمعة یغ درحمی الله ,

دالم کیت برکمبیرا منوغکو فجر 1 شوال  
 یغ باکل تیبا, اسلام مگیغتکن کیت ببراڤ  
 عملن مولیا یغ قرلو دتکنکن. این کران



كبر كتن مپمبوت عيدالفطر بركنتوغ سجاوه  
مان عملن كيت منقتي كهندق شرع. انتارا  
عملن يغ دسارنكن اوليه اسلام دالم مپمبوت  
عيدالفطر اداله:

1. منونايكن كواجيقن ممباير زكاة فطرة.

زكاة فطرة اداله واجب كأتس  
ستياف مسلم. اين هندقله دتونايكن  
سبلوم برمولا صلاة سنة عيدالفطر. زكاة  
فطرة برتوجوان اونتوق مپوچيكن ديري  
دان عملن سقنجغ بولن رمضان يغ قنوه  
دغن كلمهن دان ككورغن. مك دغن  
منونايكن زكاة فطرة دهارقن اكن  
داقت منمقوغ سكالالا ككورغن ترسبوت.

حديث درقد عبدالله بن عمر رضي  
الله عنه بهاوا رسول الله ﷺ برسبدا يغ  
برمقصود:





"رسول الله تله منتوكن واجبش  
زكاة فطرة. ساتو كنتغ دري بواه تمر اتاو  
ساتو كنتغ دري شعير (كندوم) اتس  
ستياف اورغ همب عدي اتاو مردیکا.  
للاكي اتاو قرمقوان، كانق ۲ اتاو اورغ  
ديواس دري كالغن اومت اسلام".  
(رواية أبو داود دان الترمذي)

2. مراچغ كقرلوان هاري راي.

سوده منجادي تراديسي رعية مليسيا  
ستياف كالي منجلغ هاري راي، مريك  
اكن ممبوات قرسديان دغن بربلنجا سام  
اد اونتوق ممبلي بارغن كقرلوان ديري،  
اهلي كلوارك، كوءيه-موءيه، هياسن  
رومه دان لاءين ۲. دالم كغيرهن بربلنجا  
تركادغ كيت ترايكوت-ايكوت دغن  
هاوا نفسو سهيغك بربلنجا مليبيهي



ڪڙلوان سبئر. ڦرلو دأيتكن بربلنجا  
مليبيهي ڪڙلوان اتاو ممبذير مروفاڪن  
موسوه اوتام اجرن اسلام. ماله اسلام  
منڪسڪن بهاوا مريڪ يڻ ممبذير اداله  
سڪوتو شيطان.

3. مڻوچڻڪن تهنيئه سسام ساودارا اسلام.

اومت اسلام دڪالڪن قد هاري راي  
يڻ موليا سوفايا مڻوچڻڪن تهنيئه سسام  
مريڪ سباڪاي تندا ڪمنغن. اسلام  
مڻاجر اومتش اڪر مڻوچڻڪن اوڻڪڻ:  
تَقَبَّلَ اللهُ مِنَّا وَمِنْكَ يڻ برمقصود: "سموڪ  
الله منريما عملن ڪامي دان عملنمو"  
سسام ساودارا اسلام. الحافظ ابن حجر  
منجلسڪن دالم ڪتابن فتح الباري, اداله  
قارا صحابة رسول الله ﷺ اڻايلا ساليڻ  
برتمو سسام مريڪ قد هاري راي, مريڪ



مغوچقکن اوغکقن ترسبوت انتارا ساتو  
سام لاءین.

4. برسلام-سلامن دان برمعاڤ-معاڤن.

اومت اسلام دکالقکن دالم مپمبوت  
عیدالفطر اکر برسلام-سلامن انتارا ساتو  
سام لاءین.

سبدا رسول الله ﷺ یغ برمقصود؛  
"اقابیللا دوا اورغ مسلم سالیغ  
برسلام-سلامن، مک اکن کوکورله  
دوسا۲ دانتارا کدوان". (روایة البیهقی)

بکیتو جوک دغن عملن برمعاڤ-  
معاڤن انتارا ساتو سام لاءین دأتس  
کسیلقن دان کترلنجورن یغ لمقاو. عملن  
برمعاڤ-معاڤن این جوک سلارس دغن



دعاء یغ داجرکن اولیه نبی p کقد  
کیت سفنجغ بولن رمضان یغ برمقصود:  
"یا الله, سسوغکوهن اغکاو مها  
فمعاف لاکي مها مولیا, اغکاو  
سو کاکن کمعافن, مک معافکنله کامی  
دان کدوا ایوباف کامی سرتا سلوروه  
قوم مسلمین دان مسلمات سرتا مؤمنین  
دان مؤمنات".

5. زیاره منزیارهی میامبوغ صله الرحم.

برسمقنا هاری مولیا دان قنوه برکة یغ  
باکل تیا, ماریله کیت سام ۲ مراچغ  
اونتوق مراچقکن لاکي عملن زیاره-  
منزیارهی سمیل سالیغ برمعاف-معافن  
سسام کیت. عملن این اداله برتقتن دغن  
سوروهن اکام اسلام ایت سندیری.



سسوغكوهن عملن دمكين داقت  
مغيرتكن هوبوغن صلة الرحم دان  
مقركو كهكن لاني اخوة. زيارة  
منزيارهي دان بركونجوع كرومه سانق  
ساودارا دان راكن تاولن امت دكالككن  
دالم اسلام.

حديث درقد انس بن مالك رضي الله  
عنه بهاوا رسول الله ﷺ برسبدا:  
مَنْ سَرَّهُ أَنْ يُسَاطَ لَهُ فِي رِزْقِهِ أَوْ يُنْسَأَ لَهُ  
فِي أَثَرِهِ فَلْيَصِلْ رَحِمَهُ.

"سسياقا يغ ماهو دلواسكن رزقين  
دان دقنججكن عمورث مك هندقله دي  
مغهوبوغن صلة الرحم".

(رواية البخاري)



کیت جوک دکالکن سوڦایا منزیارهی  
قبور ایوباف سرتا سانق-ساودارا یغ تله  
منیغکل دنیا دغن مغهدهکن باچاءن ایه  
القرءان. دغن هارقن سموک روح مریک  
سنتیاس دچوچوری رحمة اولیه الله سبحانه  
وتعالی.

سیدغ جمعة یغ درحمتی الله ,

کیت قرلو ایغت بهاوا اوبجیکتیف  
(objektif) اوتام مدرسة رمضان اداله اونتوق  
ملاهییرکن همبا الله یغ برتقوی. کیت تله  
بوقتیکن کتقواءن دغن سنتیاس مئیغتی الله  
سبحانه وتعالی دان ملاون هاوا نفسو  
دسقنچغ رمضان این. مک, کیت جوک  
قرلو بوقتیکن کتقواءن سماس میمبوت هاری  
رای کلک. الله سبحانه وتعالی منتقن



عيدالفطر سباڭاي هاري كڭمبيران دان  
كمنغن باڭي اورغ يڭ برايمان دان بر تقوى.

دالم كغيرهن مپمبوت هاري راي يڭ  
باكل منجلغ, جاغنه كيت مپمبوتن دغن  
منچمقور- ادوقكن دغن عملن يڭ دلارغ  
اتاو يڭ دحرامكن اڭام. عيدالفطر سام  
سكالي تيدق بوليه دساماكن دغن سمبوتن  
قرايائن ۲ يڭ لاءين, كران اياث مروفاكن  
كورنيائن الله سبحانه وتعالى خصوص كقد  
همب ۲ يڭ برعبادة دان برجواغ ملاون هاوا  
نفسو سقنچغ بولن رمضان.

سيدغ جمعة يڭ درحمتي الله ,

سباڭاي كسيمقولن, اف يڭ دهارقكن  
درقد سمبوتن هاري راي يڭ اكن منجلغ  
بوكنله سمات-مات كڭمبيران اتاو  
كسرونوقن. اكن تتاڭي, يڭ لبيه قنتيغ دان



لبیه اوتام ایاله منداقتکن کبرکتن دان  
کریضائن الله سبحانه وتعالی. ماريله کیت  
سام ۲ مراپنج اکر سمبوتن عیدالفطر قد تاهون  
این مروفاکن سمبوتن یغ دبرکتی الله سبحانه  
وتعالی.

دسمقیغ ایت، جاغنه کیت مغابایکن  
قولاً مالم تراخیر دبولن رمضان یغ سدغ  
کیت لالوئی. ربوتله قلواغ کباءیقن یغ  
بکیتو بائق یغ دسدیاکن اولیه الله سبحانه  
وتعالی کقد کیت.

أَعُوذُ بِاللَّهِ مِنَ الشَّيْطَانِ الرَّجِيمِ

وَنَفْسٍ وَمَا سَوَّاهَا ﴿٧﴾ فَأَلْهَمَهَا فُجُورَهَا وَتَقْوَاهَا ﴿٨﴾  
قَدْ أَفْلَحَ مَنْ زَكَّاهَا ﴿٩﴾ وَقَدْ خَابَ مَنْ دَسَّاهَا ﴿١٠﴾





"دمي ديري مائسي دان يڭ ميمفورناكن  
كجادينش (دغن كلغكشن يڭ سسواي دغن  
كأداءنش)؛ سرتا مغالهامكنش (اونتوق مغنل)  
جالن يڭ ملباواش كقد كجاهتن, دان يڭ  
ملباواش كقد كتقواءن؛ سسوغكوهش  
برجايله اورغ يڭ منجاديكن ديرين يڭ  
برسيه برتمبه-تمبه برسيه (دغن ايمان دان عمل  
كباچيقن). دان سسوغكوهش همقاله اورغ  
يڭ منجاديكن ديرين يڭ سديا برسيه ايت  
سوسوت دان ترينم كبرسيهنش (دغن سبب  
ككوتورن معصية)".

(الشمس : 7-10)

بَارَكَ اللهُ لِيْ وَلَكُمْ بِالْقُرْآنِ الْعَظِيمِ،  
وَنَفَعَنِيْ وَإِيَّاكُمْ بِمَا فِيْهِ مِنَ الْآيَاتِ وَالذِّكْرِ



الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ  
السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي  
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ،  
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



## خطبة كدوا

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا  
مِنَ الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ  
لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ  
وَرَسُولُهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا  
مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُمْ  
بِإِحْسَانٍ إِلَى يَوْمِ الدِّينِ. أَمَّا بَعْدُ، فَيَا عِبَادَ  
اللَّهِ، اتَّقُوا اللَّهَ فَقَدْ فَازَ الْمُتَّقُونَ. قَالَ اللَّهُ  
تَعَالَى: إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا  
الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا.  
اللَّهُمَّ صَلِّ وَسَلِّمْ عَلَى سَيِّدِ الْمُرْسَلِينَ وَارْضَ  
اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ وَذُرِّيَّاتِهِ  
أَجْمَعِينَ.



اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ  
 وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ ، إِنَّكَ  
 سَمِيعٌ قَرِيبٌ مُجِيبُ الدَّعَوَاتِ وَيَا قَاضِيَ  
 الْحَاجَاتِ . اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ  
 بِنَبِيِّكَ الْأَمِينِ ، وَنَسْأَلُكَ بِأَسْمَائِكَ الْحُسْنَى  
 وَصِفَاتِكَ الْعُظْمَى أَنْ تَحْفَظَ بَعَيْنِ عِنَايَتِكَ  
 الرَّبَّانِيَّةِ وَبِحِفْظِ وَقَايَتِكَ الصَّمَدَانِيَّةِ ، جَلَالَةَ  
 مَلِكِنَا الْمُعْظَمِ سُلْطَانَ سَلَاعُورِ ، سُلْطَانَ شَرَفِ  
 الدِّينِ ادریس شاه الحاج ابن المرحوم سُلْطَانَ  
 صَلَاحِ الدِّينِ عبد العزيز شاه الحاج . اللَّهُمَّ أَدِمِ  
 الْعُونَ وَالْهُدَايَةَ وَالتَّوْفِيقَ ، وَالصِّحَّةَ وَالسَّلَامَةَ  
 مِنْكَ ، لِوَلِيِّ عَهْدِ سَلَاعُورِ ، تَعَكَوْ أَمِيرِ شَاهِ  
 ابْنِ السُّلْطَانَ شَرَفِ الدِّينِ ادریس شاه الحاج



فِي أَمْنٍ وَصَلَاحٍ وَعَافِيَةٍ بِمَنِّكَ وَكَرَمِكَ يَا  
ذَالْجَلَالِ وَالْإِكْرَامِ. اللَّهُمَّ أَطِلْ عُمَرَهُمَا  
مُصْلِحِينَ لِلْمُوظَّفِينَ وَالرَّعِيَّةِ وَالْبِلَادِ، وَبَلِّغْ  
مَقَاصِدَهُمَا لِطَرِيقِ الْهُدَى وَالرَّشَادِ.

يا الله، اغكاوله توهن يغ مها بر كواس،  
كامي بر شكور كحضرتو يغ مليمقهكن  
رحمة دان نعمة، سهيغك كامي داقت  
منروسكن اوسها كأره مقرر كو كهكن نكارا  
اومت اسلام خصوصن نكري سلاغور،  
سباكاي نكري ايدامن، ماجو، سجهترا دان  
بر كبا جيقن.

جوسترو كامي قوهون كحضرتو يا الله،  
تثكنله ايمان كامي، تيغكتكنله عمل كامي،  
كو كهكنله قرقادوان كامي، مور هكنله رزقي



ڪامي، تمبهڪن ڪامي دغن علمو دان  
ڪماهين، سوبور ڪنله جيوا ڪامي دغن  
اخلاق موليا، ليندوغيله ڪامي درقد اوجينمو  
يغ برت سقرتي ڪماراو قنجغ، بنجير بسر،  
وابق ڦياڪيت، ڦرسغڪيتاءن، ڪمسڪينن دان  
لاءين ۲، سوڦايا هيڊوڦ ڪامي اڪن سنڀياس  
برتمبه معمور دان برڪه.

يا الله، بو ڪاڪنله هاتي ڪامي اونٽوق  
منديريڪن صلاة فرض ليم وقتو دان عباده  
زڪاه سبائڪيمان يغ تله اڻڪاو واجبڪن.  
برڪتيله هيڊوڦ اورغ يغ ملقساناڪن تونٽون  
برزڪاه، مپايغي فقير مسڪين. سوچيڪنله هرتا  
دان جيوا مريڪ، ليندوغيله ڪولوغن فقراء دان  
مَسَاڪين درقد ڪڪفورن دان ڪفقيرن يغ  
برقنجغن. دمڪين جوا يا الله، تمبه دان



لواسكنه رزقي اورغ يغ موقفكن هرتاش،  
تريماله وقف مريك دغن كنجرن قهالا يغ  
برككلن هيغك كهاري اخيرة.

رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ  
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا  
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ  
ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ  
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَىٰ  
نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِيكُمْ  
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.